

24.

ვასილ გადილიას წიგნის მალაზიის გამოცემა № 3.

Handwritten signature or initials.

ლიტერატურა  
(კავშირი)

# ლუკმა პურის ამბავი

ანუ

ნაწევრები პოლიტიკური ეკონომიდან.

თარგმანი

კ. ნინიძისა.

ფასი 6 კაპ.

თ ფ ი ლ ი ს ი

ელექტრომბეჭდავი ამხ. „შრომა“, მიხეილის აპ., № 65.  
1906



# ლუკმა პურის ამზავი

ანუ

ნაწვევები პოლიტიკური ეკონომიიდან.

31138

თარგმანი

კ. ნინიძისა.



თ ფ ი ლ ი ს ი

ელექტრომბეჭდავი ანბ. „შრომა“, მიხეილის პრ., № 65.

1906

Дозволено цензурою. Тифлисъ, 10-го января, 1905 г.

## ლუკმა ბურის ამბავი.

**ყველანი საკუთარი შრომით ცხოვრობენო, ამბობენ. მართალია ეს თუ არა?**

პირველ შეხედვით ეს მართალი გეგონებათ. ჟურნალ-გაზეთები, წიგნები და, ასე გასინჯეთ, ღვინოებიც კი მუდამ ამას ჩაგვიჩიჩინებენ. და განა ყველას არა ჰგონია, რომ მეწაღე პირდაპირ თავის მეწაღეობით ცხოვრობს, მკერავი—მკერაობით, მასწავლებელი—მასწავლებლობით, რომ ფაბრიკანტიც მუშაობს თუ ხელებით არა, ტვინით მაინც.

მაგრამ მართალია ეს, თუ არა? მართლა ყველა საკუთარი შრომით ცხოვრობს?

თქვენ გაგიკვირდებათ კიდევ, როცა მე გეტყვით, რომ არც ერთი ადამიანი თავის საკუთარი შრომით არ ცხოვრობს მეთქი და ეს ფაბრიკანტებზე და ვაჭრებზე კი არა, მთელ მუშა ხალხზედაც ითქმის.

მეწაღე რომ, მაგალითად, წაღების კერვის გარდა, თვითონ ამუშავებდეს საკუთარ მიწას, მას თვითონ რომ მოყავდეს საჭირო პური, ბოსტნეულობა, თვითონ ართავდეს, ქსოვდეს და საჭირო ტანისამოსს იმზადებდეს, ერთი სიტყვით, ყველაფერს, რაც კა მისთვის საჭიროა, თვითონ აკეთებდეს თავის სახლში, — მაშინ შეგვეძლო გვეთქვა, საკუთარი შრომით ცხოვრობსო.

მართლაც, ძველ დროში, რამდენიმე ასი წლის წინ, როცა ყველა ქალაქს საკმაო მიწა ეჭირა და ხელოვნებს, როგორც ქალაქის მცხოვრებლებს, ამ მიწით სარგებლობა შეეძლოთ, ისინი ყველაფერს, რაც კი მათთვის საჭირო იყო, თვითონ აკეთებდენ, თავისი საკუთარი შრომით ცხოვრობდენ.

მაგრამ, როგორც ვიცით, ჩვენს დროში ეს ასე აღარ არის. ხელოსანს მიწა აღარ აქვს და მეწადეს მხოლოდ წადების კერვა შეუძლიან. წადების ჭამა კი არ შეიძლება, ისინი ვერც ტანისამოსის მაგივრობას გასწევენ. ესევე ითქმის მკერავზე, მესტოლზე, კალატოზზე და სხვ. მკერავი ვერ შექამს თავის სერთუკებს, კალატოზი პურის ნაცვლათ ქვებს ვერ შეექცევა.

ისევ გლახეზე თუ შეგვიძლია ვთქვათ—თავისი საკუთარი შრომით ცხოვრობსო. მას თვითონ მოყავს პური, უვლის შინაურ პირუტყვს და ხშირად ტანისამოსსაც იკერავს, თუმცა ამ ბოლო დროს ის უფრო ქალაქში შეკერილს ეტანება: ლამაზიც არის და უფრო მოხერხებულიც.

ზოგიერთ ქვეყნებში კი გლახეებიც აღარ ამზადებენ შინ იმას, რაც მათ ყოველდღიურ საჭიროებას შეადგენს. ერთს—მაგალითად, მარტო ღვინო მოყავს, მეორე ღერწამს სთესავს, მესამე ბოსტანს უვლის და სხვ. სამაგიეროდ საქმელ-სასმელს და ტანისამოსს ისინი ქალაქში ყიდულობენ.

როგორც ხედავთ, არავის არ შეუძლია თქვას საკუთარი ჩემი შრომით ვცხოვრობო. მეწადე-მკერავის, მესტოლის, კალატოზის და გლახის შრომით ცხოვრობს; მკერავი—მეწადის, მესტოლის, კალა-

ტოზის და სხვ. ყველა ადამიანი სხვების შრომით ცხოვრობს და საკუთრით კი არც ერთი.

მაგრამ ყველა ესენი ხომ მაინც შრომობენ, უშრომლათ მათ არაფერს მისცემენ, მეტყვეთ თქვენ.

ეს მართალია. ამიტომ ჩვენ არ შეგვიძლიან იმის თქმა, ვითომ ყველა თავის შრომით ცხოვრობდეს, ჩვენ უნდა ვთქვათ, რომ ყველა თავის შრომით ირჩენს თავს.

მაგრამ განა სულ ერთი არ არის თავის შრომით ცხოვრება და საკუთარი შრომით თავის რჩენა?

არ არის სულ ერთი და აი რატომ. რომ მეწაღე, მკერავი, მიწის მუშა და სხვები მართლა თავისი საკუთარი შრომით ცხოვრობდენ, ესენი რომ ყველაფერს, რაც მათთვის საჭიროა, საკუთარ სახლში ამზადებდენ, როგორც ეს ძველ დროში იყო, მაშინ მათ სიმშვილით სიკვდილის შიში აღარ ექნებოდათ. ახლა კი მეწაღე მხოლოდ წაღებს კერავს, ის ცდილობს რაც შეიძლება მეტი დაამზადოს, და შემდეგ გაყიდოს, როგორც რომელიმე სხვა საქონელი. თუ მუშტარი გამოჩნდა, ხომ კარგი, მეწაღე მიჰყიდის მას წაღებს და მიღებული ფულით იყიდის, რაც კი მისთვის საჭიროა.

მაგრამ თუ მუშტარი ვერ იშოვნა? მაშინ რაღა უნდა ქნას?

მაშინ მშვიერ ბავშვებს ჰურის მაგიერ წაღებს ხომ ვერ გადაუღებს? სახელმწიფო გადასახადს წაღებით ვერ გაისტუმრებს, მევახშე ფულის მაგიერ წაღებს არ აიღებს.

ახლა თქვენ ხედავთ, რომ საკუთარი შრომით ცხოვრება და თავის რჩენა ერთი და იგივე არ ყოფილა.

სანამ ადამიანები ყველაფერს, რაც კი მათთვის საჭირო იყო, თვითონ ამზადებდენ, სანამ ისინი იშვიათად ჰყიდდენ თავის სიქონელს, მანამდის შეიძლებოდა გვეთქვა, ისინი საკუთარი შრომით ცხოვრობენო; მაგრამ მას შემდეგ, რაც გასაყიდათ დაიწყეს წაღების, ტანისამოსის, სტოლის და სხვა საგნების კეთება, ცოტას აკეთებენ თავისთვის და ბევრს სხვისთვის. ახლა ვარშაველი მეწაღე რუსი ხელოსანისთვის კერავს წაღებს, რუსი ფეიქარი ვარშაველი მეწაღესთვის შრომობს, ამერიკის ახალშენის მკვიდრს ინგლისელი მუშებისათვის მოჰყავს პური, ინგლისელი მუშები კი ვარშაველ მუშებს რკინის და ფოლადის იარაღებს უმზადებენ. ერთი სიტყვით, მას შემდეგ, რაც გასაყიდათ, გასაცვლელათ იწყეს წარმოება, არავინ საკუთარი შრომით აღარ ცხოვრობს.

## II

კარგი. მაშ არავინ თავის შრომით არ ცხოვრობს, თავისი შრომით მხოლოდ თავს ირჩენენ; ეს მაინც უტყუარი ჭეშმარიტება იქნება.

მაგრამ არც ეს არის მთლად მართალი. ამის შესახებ ბევრი რამ შეგვეძლო გვეთქვა, მაგრამ ჯერ წარმოვიდგინოთ, ვითომ ყველანი საკუთარი შრომით ირჩენენ თავს.

მაგრამ რატომ უსათუოთ შრომით? იმიტომ, რომ როცა ვინმე ყიდის რამეს, წაღები იქნება ეს თუ ტანისამოსი, ჭურჭელი თუ დანები, მის საქონელს შრომის რაოდენობით აფასებენ და ფასსაც შრომის დაგვარად აძლევენ. ავხსნათ ეს უფრო ნათლად. ვთქვათ, მეწაღემ მთელი დღე მოანდომა



წაღების შეკერვას. და ეს წაღები ათ არშინ ტილოზე გასცვალა.

გაუგებარი აქ არაფერია: იშრომა და სამაგიეროდ ტილო იშოვნა. მაგრამ წარმოიდგინეთ ერთი წუთით ისეთი ბედნიერი ქვეყანა, სადაც წაღები ზეციდან ცვივა. ასეთი ქვეყანა არ არსებობს, მაგრამ რომ არსებობდეს, როგორ გგონიათ, მაშინ მეწაღე ბევრს აიღებდა თავის წაღებში? რასაკვირველია, ვერაფერს. მაშინ იტყოდნენ, რომ წაღებში ფულის მიცემა არ ღირს, რადგან მის გასაკეთებლად შრომა არ არის დახარჯული და მისი შეძენა ისედაც ყველას შეუძლია; ჩვენი მეწაღე სიმშლით მოკედებოდა ასეთ ქვეყანაში, თუ სხვა რომელიმე საქმეს არ მოკიდებდა ხელს. თუმცა ჩვენში ხეები წაღებს არ ისხამენ, მაგრამ ბევრი ისეთი საგნები ვიცით, რომელნიც არავითარ ღირებულებას არ შეიცავენ, მათში კაპეიკსაც არავინ გამოიღებს, რადგან მათ გაკეთებაზე თავი არავის შეუწუხებია. წყალს წყაროზე და ქვიშას მდინარეში ღირებულება არა აქვს, რადგან მის გასაკეთებლად შრომა არ არის საჭირო, რადგან ის ადამიანის დაუხმარებლათ გაჩნდა.

მაგრამ სამაგიეროდ, რაც მეტი შრომაა დახარჯული ამა თუ იმ ნივთზე, მით მეტ ღირებულებას შეიცავს ის, მით მეტ ფასში გაიყიდება. ერთ არშინ ტილოში უფრო მეტს მოგცემენ, ვინემ ერთ არშინ კალენკორში. რატომ? იმიტომ რომ ერთი არშინი კალენკორის მომზადება უფრო ადვილად და ჩქარა შეიძლება, ის უფრო ნაკლებ შრომას თხოულობს, ვინემ ერთი არშინი ტილო. ოქროს ძეკვი ფოლადზე უფრო ძვირია. რატომ?

იმიტომ ხომ არა, რომ ოქრო ბრჭყვიალებს, ან ის უფრო მძიმეა? არა, შეიძლება, ფოლადის ძეწკვიც ისე ბრწყინავდეს, როგორც ოქროსი და სიმძიმითაც არ იყოს ნაკლები, მაგრამ ოქროს შოვნა ძნელია: საჭიროა დიდი შრომა, რომ ის მიწიდან ამოიღონ, ოქროს ძეწკვზე მეტი შრომაა დახარჯული, ვინემ ფოლადისაზე.

ამიტომ როცა მეწაღე წალას ყიდის, მკერავი-სერთუკს და მეპურე ჰურს ისინი ნამდვილად ყიდიან იმ შრომას, რომელიც მათ დაუხარჯნიათ. ერთი ბუღკის გამოცხობას თუ საათის მუშაობა სჭირია, წყვილი წაღების შეკერვას კი ათი საათი, მაშინ ერთ წყვილ წაღებში ათ ბუღკს მისცემენ, რადგანაც წაღებზე ათჯერ მეტი შრომაა დახარჯული (წაღების ღირებულება) ვინემ ბუღკზე (ბუღკის ღირებულება).

თუ ერთ არშინ ტილოში ვერცხლის მანეთიანს თხოულობენ, ეს იმიტომ, რომ ტილოს გაკეთებას (ცხვრების მოვლას, მატყლის გაკრექას და ტილოს შეღებვას) იმდენი შრომა სჭირდება, რამდენიც ვერცხლის მანეთის შოვნას (ვერცხლის მოძებნა, მოტანა, გადაღუღება)—ვთქვათ ათი საათი. ერთ არშინ კალენკორში მხოლოდ უზალთუნს ვაძლევთ, რადგან მის მომზადებას (ბამბის დათესვას, მოქსოვას, შეღებვას) ათი საათის ნაცვლად, ერთი საათის შრომა სჭირდება.

აი რატომ შეიძლება იმის თქმა, რომ მეწაღე, მკერავი, მესტოღე და საზოგადოთ ყველა მშრომელი თავისი შრომით ინახავს თავს. ყველა ისინი სხვა და სხვა საგნებს ამზადებენ; ეს საგნები ბაზარზე გამოაქვთ გასაყიდათ და სწორედ იმდენ ფულს

თხოულობენ, რამდენიც შრომა აქვთ დახარჯული.

ერთი სიტყვით, რაც მეტს მუშაობს რომელიმე ხელოსანი, რაც მეტ შრომას ანდომებს თავის ნაწარმოებს, მით მეტ ღირებულებას ქმნის ის თავისი შრომით, მით მეტ ფასში გაყიდის, მით მეტს მისცემენ მას საქონელში.

ესეც თქვენი სიმართლე, მეტყვიან ზოგიერთები თქვენ დაგვპირდი ისეთ რამეს, რასაც ფაბრიკანტები და ხაზინები გვიმალვენ და ნამდვილად იმსვენ იმეორებთ, რასაც ისინი ამბობენ: ვინც მეტს მუშაობს ის მეტსაც მიიღებსო. მაგრამ ნუ აჩქარდებით, ჯერ მომისმინეთ და თუ ღირსი ვიყო, მერე დამძრახეთ. ზევით მე ვთქვი, რომ რაც მეტ შრომას ხარჯავს ხელოსანი, მით მეტ ფასს აიღებს თავის ნაწარმოებში მეთქი. მეწაღე კარგათ შეკერილ, მაღალ ქუსლებიან წაღებში მეტს აიღებს, ვინემ უხეირო წაღებში. ეს ყველაფერი აგრეა, მაგრამ ჩვენმა მეწაღემ რომ წაღები შეკეროს, ამისთვის საჭიროა ტყავი, იარაღი და სახელესნო; ყველა ამას კი ფული უნდა. ზეინკალმაც, თუ სურს რომ გასაღებები გააკეთოს, უნდა დაიქირავოს სახელოსნო, შეიძინოს იარაღები და სანამ გასაღებებს გასაღებდეს ცხოვრებას სახსარიც უნდა იქონიოს. ამისთვისაც ისევ ფულია საჭირო. ვისაც ფული აქვს, მას რა უჭირს, ააგებს სახელოსნოს, დაამზადებს საქონელს და შემდეგ გაყიდის იმის და გვარად, რამდენიც შრომა აქვს დახარჯული. მაგრამ რა ქნას იმან, ვისაც ფული არა აქვს, ვისაც არ შეუძლიან სახელოსნოს აშენება და საქონლის მომზადება, რადგან საჭირო იარაღები და მასალა მას არ მოეპოვება? რა ქნას იმ კაცმა, რომელიც-როგორც ეს ხშირად ხდება არ-

საიდან შევლას არ ელის და ცხოვრება-სმა-ჭამა და ჩაცმა-დახურვა კი უნდა?

ჩვენ მშრომელს არც ფული და არც საქონელი არა აქვს, ამიტომ, სიმშლით რომ სული არ ამოხდეს, მან უნდა გაყიდოს თავისი თავი, უნდა იმუშაოს ქირაზე და თავისუფლება დაკარგოს.

როგორ თუ თავისი თავი უნდა გაყიდოს, თავისუფლება დაკარგოს? ფაბრიკაში მუშაობა ხომ მონობა არ არის! როგორც ხელოსანი ისე ფაბრიკის მუშა, თავისუფალი ადამიანია, მუშაობს რამდენიც უნდა, არავის არ შეუძლია ის თავის ნებაზე ატაროს, მეტყვიან.

არ შეგვიძლია თავისუფალი ვუწოდოთ იმ ადამიანს, რომელიც თავის შრომას ყიდის; მას უსათუოდ ბატონი უნდა ყავდეს და ასეთი ბატონი კიდევსა ყავს. თავისუფალია მხოლოდ ის, ვინც იძულებულია არ არის თავისი თავი გაყიდოს. ასეთი თავისუფლების მიღება ჩვენში ერთობ ძნელია. მუშა იძულებულია ფაბრიკას მიაშუროს, რადგან მას არ მოეპოვება საკუთარი მასალა და იარაღები, ის ემორჩილება ფაბრიკანტს, რადგან მას სხვა გზა არა აქვს, რადგან ფაბრიკანტს მუშის წინააღმდეგ ძლიერი იარაღი აქვს—ეს არის სიმშლი, რომელიც მას სამუშაოს დაკარგვისგან მოელის.

### III

თავისუფალი იქნება ადამიანი თუ მონა-ეს სულ ერთიაო, მეტყვით თქვენ. საქმე ის კი არ არის ვინ თავისუფალია და ვინ მონა,-თავი და თავი ის არის, მართლა შეუძლია ადამიანს საკუთარი შრომით გადდიდრდეს თუ არაო.

მე ისევ გთხოვთ თქვენ დამაცადოთ, ნუ ჩქარობთ, ამის შესახებაც გვექნება ლაპარაკი; საჭიროა ყველაფერი გავითვალისწინოთ.

ყველა მუშა-მესტოლე, მკერავი ან მეწაღე— ყველა თავის თავის გაყიდვას ცდილობს, თუ მას არა აქვს არც ფული და იარაღი და არც მასალა. ადრე თუ გვიან ის უსათუოდ იპოვის ფაბრიკანტს ან ხელოსანს, რომელიც მას იყიდის.

რისთვის ყიდულობენ მას? იმისთვის ხომ არა, რომ ებრალებათ და სურთ დახმარება აღმოუჩინონ? არა. ყიდულობენ იმისთვის, რომ მას შეუძლია ჩაქუჩი სცემოს, წაღები შეკეროს, ერთი სიტყვით, მას შეუძლია იმუშავოს.

როცა მას ყიდულობს ფაბრიკანტი ან ხელოსანი, ყურადღებას მხოლოდ მის ძალას და საქმის ცოდნას აქცევს, მას რომ ეს ძალა არ ქონდეს, ფაბრიკანტი მას ზედაც არ შეხედავს. მას მხოლოდ სამუშაო ძალა ესაჭიროება. უმთავრესი საკითხი მისთვის ის არის, რამდენი უნდა მისცეს ამ ძალაში; ეს აქვს მას გადასაწყვეტი. ძნელი გასაგები არ არის, რამდენი ღირს სტაქანი, კალათი, წყვილი წაღები და სხვ. ეს დამოკიდებულია იმ დროს რაოდანობაზე რომელიც ამ საგნების გაკეთებას მოანდომეს. ვთქვათ ერთი სტაქნის გაკეთებას ნახევარი საათის შრომა სჭირდება, წყვილი წაღების შეკერვის—20 საათის თეფშის-ერთი საათი, ვთქვათ ერთი საათის შრომაში ორ შაურს იძლევიან (რადგან ვერცხლის ორ შაურიანის გაკეთებასაც ერთი საათის შრომა სჭირდება). ძნელი არ არის გავიგოთ, თუ რამდენი ღირს ერთი სტაქანი. თუ მის გაკეთებას ნახევარი საათი მოანდომეს, მაშ ისიც ნახევარ უზანთულად ეღირება—

ე. ი. შაურად. თუ წყვილ წაღების კერვას 20 საათი მოანდომეს, იმისი ღირებულებაც ოცი უზანთული ექნება ე. ი. ორი მანეთი; თუ თეფშის გასაკეთებლად ერთი საათის შრომაა საჭირო, მაშინ ის ორ შაურად ეღირება.

მაგრამ როგორ გავიგოთ, რა ღირს ადამიანი, რამდენი უნდა მივცეთ მის სამუშაო ძალაში?

ვთქვათ მუშა ე. ი. მისი სამუშაო ძალა, ერთი დღით იყიდეს. წარმოვიდგინოთ შემდეგ, რომ მუშას დღეში სამი აბაზი სჭირდება, (სასმელ-საჭმელზე, ბინაში, ტანისამოსში), რომ იცხოვროს და მუშაობის განგრძობა შეიძლოს, ე. ი. დახარჯული ძალა აღადგინოს. ამ შემთხვევაში ჩვენ შეგვიძლია ვთქვათ, რომ სამუშაო ძალა სამ აბაზათ ან ექვსი საათის შრომათ ღირს \*) (თუ უზალთუნს იგივე ღირებულება ექნება, რაც ერთი საათის შრომას),

ფაბრიკანტმა კარგათ იცის, რომ სამუშაო ძალა ექვსი საათის შრომად ღირს, ე. ი. იმდენად, რამდენადაც ექვსი თეფში ან თორმეტი სტაქანი, და ამიტომ მუშას მისი ძალის ღირებულებას აძლევს, ე. ი. სამ აბაზს. ერთი სიტყვით, მუშა იმდენს ღებულობს თავის სამუშაო ძალაში, რამდენიც მისი არსებობისთვის არის საჭირო.

ახლა დავუბრუნდეთ ისევ ჩვენ კითხვას: რისთვის უიღბლოებს ფაბრიკანტი სამუშაო ძალას? რად ჰყიდის მას მუშა-ეს თავის თავათ ცხადია: მას ძალას ატანს სიმშვილი, რომელიც გაცილებით უფრო

---

\*) უნდა გვახსოვდეს, რომ სამუშაო ძალის ღირებულება იმდენი საათის შრომას უდრის, რამდენიც მუშის ცხოვრების განსაგრძობათ არის საჭირო.

ძლიერი გრძნობაა, ვინემ თავისუფლება და სირცხვილი.

მაშ ფაბრიკანტი რილასთვის ყიდულობს სამუშაო ძალას? იმისთვის, რომ მოიგოს, გამდიდრდეს. ავხსნათ ეს მაგალითით. ვთქვათ, ვინმემ ბამბეულობის ფაბრიკა გახსნა. ვთქვათ იყიდეს ათას ოთხასი მანეთის ბამბა, ოთხმოცი მანეთის მანქანები, განათებას და სხვა წვრილ ხარჯებს 24 მანეთი მოუნდა და შეუდგენ საქმეს. როგორ გგონიათ, რატომ გახსნა ფაბრიკა ფაბრიკანტმა? ცხადია, იმიტომ, რომ სურს ნაქსოვში მეტი აილოს, ვინემ თვითონ დაეხარჯა ბამბაზე, მანქანებზე და სხვ. ცხადია, როცა ის ბამბიდან ქსოვილს მიიღებს, ათას ხუთას ოთხ მანეთს როდი დასჯერდება, ის, მაგალითად, ორ ათას მანეთს მოითხოვს \*).

მაგრამ სურვილი კიდევ არ არის საკმაო, საჭიროა, რომ ეს ორი ათასი ნამდვილად მიიღოს, მაგრამ მიიღებს თუ არა ეს სხვა კითხვაა. რაიმე სასწაულის ძალით რომ მანქანამ მუშის დაუხმარებლათ შეიძლოს ძაფის დართვა და ფაბრიკანტმა ვაჭარს ორი ათასი მანეთი მოსთხოვოს, ვაჭარი აი რას ეტყვის მას: შენი ძაფი შეიცავს ბამბის ღირებულებას — ე. ი. 1400 მან., მანქანებისას — 80 მ. და წვრილი მასალებისას — 24 მან. — სულ ეს შეადგენს ათას ხუთას ოთხ მანეთს; არც მეტს, არც ნაკლებს და მეც ერთ გროშსაც არ მოგიმატებ.

არ ვიცი, მოეწონება თუ არა ფაბრიკანტს

---

\*) 1504 მან. საზოგადო ჯამია ნახარჯის, — ჩვენ მაგალითში 1400 მან. ღირს ბამბა. 80 მან. მანქანები და 24 მ. წვრილი მასალები — სულ 1504 მან.

ეს პასუხი. ვიცით მხოლოდ, რომ მანქანებს თავისით მუშაობა არ შეუძლიათ და ფაბრიკანტების საბედნიეროთ მანქანას მუშები უნდა უდგეს გვერდში. ფაბრიკანტმა ეს იცის და ამიტომ ის ქირაობს, მაგალ., 100 მუშას და თვითუღს სამუშაო ძალაში, როგორც საქონელში დღიურათ სამ აბაზს აძლევს. მუშა, რომელიც დღეში სამ აბაზად არის დაქირავებული, კურკას აცლის ბამბას, ართავს ძაფს და სხვა. ერთი სიტყვით მუშაობს, ბამბას თავის შრომას უერთებს.

პირველი საათის შემდეგ ის მიუმატებს მხოლოდ ერთი საათის შრომას, ე. ი. მის ღირებულებას ათი კაპეკით გაადიდებს (თუ საათის შრომა 10 კაპეკად ღირს), ორი საათის შემდეგ მიუმატებს ორი საათის შრომას, ე. ი. მის ღირებულებას გაადიდებს 20 კაპეკით., ექვსი საათის შემდეგ ის მიუმატებს ექვსი საათის შრომას, ე. ი. მის ღირებულებას 60 კაპეკს მიუმატებს, სწორედ იმდენს, რამდენიც ფაბრიკანტმა მის სამუშაო ძალაში გამოიღო. ამნაირად ექვსი საათის შრომის შემდეგ მუშ.მ უკვე შექმნა იმდენი, რამდენიც ხაზინისაგან მიიღო. ასე მუშაობს ის მთელი კვირის განმავლობაში, რის შემდეგაც ფაბრიკანტი აგროვებს ძაფს და ბაზარზე მიჰქვს გასასყიდათ; მას სურს ისევ ორი ათასი მანეთი აიღოს.

— რამდენს თხოულობ ძაფში?— ორ ათას მანეთს.

— ეს ძლიერ ბევრია, ეუბნება ვაჭარი, ნუ თუ გგონია, რომ შენი საქონელი ორი ათასი მანეთის ღირებულებას შეიცავს? აბა რას ამბობ! მოდი ერთად ვიანგარიშოთ. ძაფში ურევია ბამბის ღირებუ-



ლება ათას ოთხასი მანეთის, მანქანის ოთხმოცი მანეთის, წვრილი მასალების—ოცდა ოთხი მანეთის და სამუშაო ძალისაც სამას სამოცი მანეთის (თუ ერთი კვირის განმავლობაში მუშაობდა ასი კაცი 6 დღეს, დღეში ექვს საათს და სამი საათის შრომაში ათ კაპეიკს იღებდა— $6 \times 6.100.100 = 360$  მ.), მთლად დაფში ათას რვაას სამოც და ოთხი მანეთის ღირებულებაა მოთავსებული. მაშ, ათას რვაას სამოცდა ოთხ მანეთს მოგცემ, მეტი არ შემიძლია.

— ეს როგორ იქნება! მაშ მე არაფერი არ უნდა მოვიგო? ამდენი ხომ კიდევ დავხარჯე. მოსაგები სადღაა? რა თავში ვიხალო ცარიელი ფაბრიკები, თუ მოსაგები არსად იქნება, წუწუნებს ფაბრიკანტი.

მართლაც, რა უნდა მოიგოს ფაბრიკანტმა, თუ მუშა ზედ-მეტი ექვსი საათის განმავლობაში არ ამუშავა?

— ეს რასა ჰგავს, ეტყვიან მუშები, ჩვენ ხომ ვიმუშავეთ ექვსი საათი და შენი ქირის სამაგიერო ღირებულება ჩავაბარეთ, უკვე დაფუმატეთ ბამბას იმდენი ღირებულება, რამდენადაც შენ ჩვენი სამუშაო ძალა იყიდე.

— ტყუილია, უპასუხებს ფაბრიკანტი. მე თქვენი სამუშაო ძალა მთელი დღით ვიყიდე, მე ნება მაქვს, მთელი დღე გამუშაოთ.

მუშები რჩებიან, მეტი რა გზა აქვთ. თუმცა ექვსი საათის განმავლობაში უკვე შექმნეს თავის სამუშაო ძალის ღირებულება, მაგრამ სამართალი სად არის! მათ მეორე ექვსი საათი ხაზინის სასარგებლოდ უნდა იმუშაონ.

ფაბრიკანტი მათ ახალ მასალას ურიგებს და

საქმე იჩარხება. თითო საათის შრომის შემდეგ მუშა უმატებს ბამბას ერთი საათის ღირებულებას, ექვსი საათის შემდეგ—ექვსი საათის ღირებულებას. ცხადია, ეს ახალი ღირებულება ფაბრიკანტს მუქთად უვარდება ხელში, ამაში მას ფული არ დაუხარჯავს. ერთი მუშა ექვსი საათის შრომით 60 კაპ. ღირებულებას შექმნის (თუ საათის შრომა ორი შაური ღირს), ასი მუშა ასჯერ მეტს, ე. ი. 60 მანეთის ღირებულებას შექმნის, ერთ კვირაში კი ყველანი სამას სამოცი მანეთის ღირებულებას შექმნიან.

თუ ჩვენს ფაბრიკანტი მოისურვებს დაფის იმ ნაწილის გაყიდვას, რომელიც დანარჩენი ექვსი საათის შრომის დროს არის შექმნილი, მაშინ აი რას მიიღებს: ისევ ათას რვაას სამოცდა ოთხ მანეთს, რადგან დაფში მოთავსებულია ბამბის ღირებულება ათას ოთხასი მანეთის, მანქანების—ოთხმოცი მანეთის, წვრილი ხარჯების—ოცდაოთხი მანეთის, და სულ სამას სამოცი საათის შრომა, რომელიც ფაბრიკანტმა მუქთათ ჩაიგდო ხელში. ახლა ის სიამოვნებით გაყიდის ათას რვაას სამოცდა ოთხ მანეთათ, რადგან მას ათას ხუთას ოთხი მანეთის მეტი არ დაუხარჯნია. ახლა კი ნათლათ სჩანს, რომ წარმოებამ ხაზინს სარგებელი მოუტანა. აბა ვიანგარიშოთ. ჩვენმა ფაბრიკანტმა ორჯერ დაურიგა მუშებს 1400 მანეთის ბამბა, ეს შეადგენს 2800 მანეთს, ორჯერ გაცვდა 80 მანეთის მანქანა—ეს შეადგენს 160 მან., წვრილი ხარჯები ორჯერ 24 მან, ეს შეადგენს 48 მან. და მუშების ქირაც 360 მანეთი, სულ შედგა სამი ათას სამას სამოცდა რვა მან. ფაბრიკანტი დაფის პირველ ნახევარშიც და მეორეშიც 1864 მანეთს მიიღებს, მთელ ნაწარმოებში 3728 მ,

მაგრამ დახარჯა პირველათ 1864 მან., მეორეთ 1504 მან., სულ 3368, აიღო 3728 მანეთი, ე. ი. 360 მანეთი მოიგო.

საიდან გამოტყვრა ეს ამოდენა მოსაგები? ცხადია, იქიდან, რომ სამუშაო დღის მეორე ნახევარში ფაბრიკანტს არაფერი გადაუხდია, ამ დროს განმავლობაში მუშებმა მუქთათ იმუშავეს და ხაზენის ზედმეტი ღირებულება ჩააბარეს, ან, როგორც ამბობენ, ზედმეტი იმუშავეს \*).

ახლა კი ვიცით, რისთვის ქირაობს ფაბრიკანტი მუშებს. იმისთვის, რომ მათ შრომას სარგებელი გამოაღებინოს, იმისთვის, რომ ზედმეტი ღირებულება მიიღოს. ფაბრიკანტის სიმდიდრე—ეს მის მიერ დასაკუთრებული მუშის შრომაა.

მუშები ნახევარ დღეს ხაზენისთვის მუშაობენ, ნახევარს თავისთვის, ე. ი. თავის სიცოცხლის ნახევარს ხაზენების გამდიდრებას ანდომებენ.

რაც ჩვენ ერთ ფაბრიკანტზე ვთქვით, ის მთელი ქვეყნის ფაბრიკანტებზე ითქმის. ყველა ესენი იმისთვის ქირაობენ მუშებს, იმისთვის ყიდულობენ მათ სამუშაო ძალას, რომ გამდიდრდენ, მუშები საჭიროზე მეტი ამუშავენ და ეს ზედმეტი შრომა თვითონ მიითვისონ.

#### IV

თქვენ, რასაკვირველია, თანახმა ხართ იმისი, რაც მე ვიამბეთ. ერთ რამეში შეგეძლოთ ეჭვი შეგეტანათ,—რომ ბამბეულობის ფაბრიკის ამბავი სი-

\*) მაშ რას ქვია ზედმეტი ღირებულება? ეს ისეთი ღირებულებაა, რომელსაც მუშები მუქთად უმატებენ ნაწარმობებს.

მართლეს არა გავს. სად და ვის გაუგონია, რომ მანქანები მხოლოდ ოთხმოც მანეთათ ღირებულებას და ბამბაც მხოლოდ ათას ოთხასი მანეთისა ეყიდნათ? სრული ჭეშმარიტებაა. მაგრამ ამ მაგალითში მოყვანილი ციფრები იმისთვის ამოვარჩიეთ, რომ ნათლათ გამოგვერკვია, თუ რა არის ზედმეტი ღირებულება. ახლა მე პირდაპირ ცხოვრებიდან მოვიყვან მაგალითს, რომელიც სინამდვილესთან ისე ახლოს იქნება, რომ მის უარის ყოფას ვერავინ შეიძლებს.

ინგლისში, როგორც ყველამ იცის, დიდძალ ბამბასამზადებენ \*). დიდი ხანია, რაც იქ უზარმაზარი ორთქლის ფაბრიკები არსებობს, დიდი ხანია იქაურმა მუშებმა თავისთვის მუშაობა მიატოვეს და იძულებულნი გახდნენ თავისი შრომა გაყიდონ, ხაზენებს მიექირავეს, დიდი ხანია ისინი სიმშოილს და სხვა მრავალ გაჭირვებას ითმენენ. სამაგიეროთ ფაბრიკანტები სუქდებიან და მდიდრდებიან. წარმოვიდგინოთ ახლა, რომ ერთს ასეთ ფაბრიკანტთაგანს ფაბრიკის შენახვა და საზოგადოდ საქმის წარმოება 134 ათას ორას ორმოცდა ათი მანეთი დაუჯდა ერთი წლის განმავლობაში, წლის გასულს ის ყიდის თავის ძაფს და 159 ათას მანეთს ღებულობს. მაშ მისი მოსაგები უდრის 24 ათას შეიდას ორმოცდა ათ მანეთს.  $(159000 - 134250 = 24750)$ , ე. ი. 18% პროცენტს. თქვენ იცით, რასაკვირველია, რომ ეს არც ისე დიდი მოსაგებია, რადგანაც ჩვენშიც არიან ქარხნები, მაგალ., შაქრის, რომელნიც 40, 50

---

\*) 1837 წ. ინგლისში დაამუშავეს ათას-ორას-სამოცდა-ოთხი მილიონი გირ. ბამბა ოცდა ცამეტი მილიონ ნახევარი თითისტარის შემწეობით.

და ხან მეტ პროცენტს იძლევიან. ვნახოთ, საიდან ღებულობს მექარხნე ამდენ მოსაგებს. სიაღვილისათვის გამოვიანგარიშოთ, რამდენი ეხარჯება მას კვირაში. მის ფაბრიკაში 10 ათასი თითისტარია, რომელნიც ორთქლის შემწეობით მოძრაობენ. ერთი თითისტარი (რასაკვირველია, მუშის დახმარებით) კვირაში გირვანქა ძაფს იძლევა. ათი ათასი თითისტარი ათი ათას გირვანქას მოგვცემს. მაგრამ ათი ათასი გირვანქა ძაფის მოსამზადებლად ათი ათასი გირვანქა ბამბა როდი კმარა, რადგან ბამბის ერთი ნაწილი მუშაობის დროს იკარგება. ჩვენ მაგალითში მოყვანილ ფაბრიკაში ათი ათას ექვსასი გირვანქაა საჭირო, ასე რომ ექვსასი გირვანქა უსარგებლოდ იკარგება. 1871 წელს ინგლისში გირვანქა ბამბის ფასი იყო 19<sup>1</sup>/<sub>2</sub> კაპეიკი, ასე რომ ათი ათას ექვსას გირვანქას ათი ათას ექვსასჯერ მეტი მოუხდებოდა, ე. ი. ორი ათას სამოცდა შვიდი მანეთი. ბამბა რომ ძაფად იქცეს, ამისთვის მუშის შრომა, მანქანები და მასალებია საჭირო. მანქანები, ე. ი. თითისტრები ორთქლის მანქანასთან ერთად ღირს სამოცი ათასი (60 ათასი) მანეთი. მაგრამ მანქანა ერთბაშად როდი ცვდება, ის რამდენიმე წელიწადს გამოდგება, მაგალ., ათს წელიწადს, ამიტომ მანქანებზე წლიურად დაიხარჯება სამოცი ათასი მანეთი კი არა, ათჯერ ნაკლები, ე. ი. ექვსი ათასი მანეთი, კვირაში კი (თუ წელიწადში 50 კვირას ვიანგარიშებთ) ორმოცდა ათჯერ ნაკლები, ე. ი. ას ოცი მანეთი (120 მ.). გარდა ამისა საჭიროა ქვანახშირი (ქვაბების გასაცხელებლათ), ზეთი (ბორბლებზე წასასობათ), გაზი (ფაბრიკის გასანათებლათ) და სხვ. ქვანახშირზე იხარჯება კვირაში 24 მან. და 60 კაპ.

გაზი—ექვსი მანეთის, ფაბრიკის შენობის ქირას იხდის კვირაში 36 მანეთს (წელიწადში გამოდის ათას რვაასი მანეთი). ერთი კვირის განმავლობაში დახარჯავს სულ ორი ათას ორას ოთხმოცდა ოთხ მანეთს და ნახევარს. მაგრამ ყველა აქ ჩამოთვლილ მასალებისგან რა გამოვა, თუ მუშის ხელი არ ჩაერია. ამიტომ ფაბრიკანტი იძულებულია დაიქირაოს ას ოცდა თხუთმეტი მუშა (თითო მუშა სამოცდა თოთხმეტ თითისტარს უვლის) და აძლიოს იმდენი, რამდენიც მათი სამუშაო ძალის აღსადგენადაა საჭირო, ე. ი. მუშების შესანახად (სასმელ-საჭმელი, ბინა, ტანისამოსი). ვთქვათ, თითო მუშას მოუნდება კვირაში ორი მანეთი და ხუთი შაური. ყველა მუშებს კვირაში სამას სამი მანეთი და თხუთმეტი შაური მოუნდებათ. მუშები რომ მხოლოდ თავისთვის მუშაობდნენ, ე. ი. რომ ისინი იმდენს მუშაობდნენ ფაბრიკანტის სასარგებლოთ, რამდენიც თვითონ სამუშაო ქირის სახით აქვთ მიღებული, მაშინ ადვილი გამოსაანგარიშებელი იქნებოდა მათ მიერ დამზადებული ათი ათასი გირვანქა ძაფის ღირებულება. მაშინ ამ ძაფის ღირებულებაში შევიდოდა: 1, ბამბის ღირებულება 2067 მან., 2, მანქანების—120 მან; 3, ქვანახშირის—24 მ. 60 კაპ. 4, ზეთის—24 მ. 60 კაპ.; 5, გაზის—6 მან.; 6, ბინის—36 მან., 7, მუშების ქირა 303 მან. 75 კ.—სულ ორი ათას ხუთას ოთხმოცდა ერთი მან. და 75 კაპ.; ერთი გირვანქა ეღირებოდა ათი ათასჯერ ნაკლები, ე. ი. დაახლოვებით 26 კაპეიკი. ფაბრიკანტი კი 26 კაპეიკის ნაცვლად  $31\frac{5}{8}$  კაპეიკს მიიღებს, ათი ათას გირვანქაში—სამი ათას ას სამოცდა ორ მანეთს და ნახევარს, ე. ი. ხუთას სა-

მოცდა თხუთმეტი მანეთით მეტს ჩვენ ანგარიშთან შედარებით. თუ ჩვენმა ფაბრიკანტმა ხუთას სამოცდა თხუთმეტი მანეთით მეტი აიღო, ეს იმიტომ, რომ მის ნაწარმოებში ახალი ღირებულებაა ჩაქსოვილი, რომელიც მუშებმა მუქთად დაუთმეს, ფაბრიკანტს ამაში ფული არ მიუცია. ამნაირათ ჩვენ ვხედავთ, რომ ფაბრიკანტის მოსაგები მუშის მუქთი შრომის, ზედმეტი ღირებულების ნაყოფია. მუშებმა სამას სამი მანეთი და თხუთმეტი შაური მიიღეს ხაზეინისაგან ერთი კვირის განმავლობაში და სამაგიეროთ ამ ფულს გარდა ხუთას სამოცდა ხუთმეტი მანეთი ახალი ღირებულება შესძინეს. თითო მუშა იღებს დღეში  $37\frac{1}{2}$  კაპ. და ქმნის ხაზეინის სასარგებლოთ არა მარტო ამ  $37\frac{1}{2}$  კაპეიკის საღირაღს, არამედ  $58\frac{1}{2}$  კაპეიკს ახალს, ზედმეტი ღირებულებას. ამ რიგად მუქთი, უფასო შრომა ერთ ნახევარჯერ მეტია, ვინემ ის შრომა, რომელშიც ფულია მიღებული. მუშა ფაბრიკანტისთვის ერთნახევარჯერ მეტს შრომობს, ვინემ თავისთვის; ზედმეტი ღირებულება ერთნახევარჯერ მეტია, ვინემ მუშის ქირა, ანუ, როგორც ამბობენ, ზედმეტი ღირებულების ნორმა (ზომა) ერთი და ნახევარია— $150\%$ -ია \*).

ამის შემდეგ, მგონი, არავისთვის არ არის დაფარული, რომ ყველა მოსაგების წყარო შრომა არ

\*) ზედმეტი ღირებულების ნორმა—ეს ზედმეტი შრომის და აუცილებელი შრომის დამოკიდებულებაა. მაგალ., თუ მუშა ოთხ საათს კაპიტალისტისათვის მუშაობს და ოთხს თავისთვის, ე. ი. თუ მუქთი შრომა აუცილებელი შრომის ოდენია—მაშინ ზედმეტი ღირებულების ნორმა იქნება ერთი, ანუ  $100\%$ ; თუ თავისთვის ოთხ საათს მუშაობს და ხაზეინისთვის ოთხ საათს, მაშინ ნორმა იქნება ორი, ანუ  $200\%$  პროც.

არის. ჯერჯერობით ეს მაინც დანამდვილებით ვიცით, რომ ფაბრიკანტი სხვისი შრომით იძენს თავის სიმდიდრეს.

ახლა ისიც გავიგოთ, როგორ მდიდრდებიან ხელოსნები, მემამულენი, ჩინოვნიკები, ვაჭრები და სხვები. ვილაპარაკოთ ჯერ ხელოსნებზე.

თქვენ, ალბათ, იცით, რომ ჩვენში ფეხსაცმელს უმთავრესათ წვრილ სახელოსნოებში ამზადებენ, სადაც ქარგლები ქირაზე მუშაობენ, ხოლო შეგირდები მუქთათ. ხელოსანი მხოლოდ თვალყურს ადევნებს მათ მუშაობას. ხელოსანი რომ შეგირდებისაგან საკმაოდ დიდ ფულს იძენს, ეს დღეს ბალმაც კარგათ იცის. ჩვენ ვლაპარაკობთ აქ ქარგლებზე, რომელნიც თავის შრომაში ქირას ღებულობენ. თქვენ ხომ იცით, რა ძნელია მეწადის ხელობა. თხუთმეტი-თექვსმეტი საათის განმავლობაში უნდა იჯდეს ის დახუთულ, ბნელ ოთახში ერთ ალაგას მოკუნტული, რომ როგორმე ლუკმა პურის ფასი აიღოს. უფრო ხშირათ ის ნაჭრობით მუშაობს, თითო წყვილ ფეხსაცმელში ოთხ აბაზ ნახევარს აძლევენ (90 კაპ.). კარგ პირობებში ერთი ქარგალი თხუთმეტი საათის განმავლობაში ორ წყვილ ფეხსაცმელს შეკერავს, რისთვისაც ერთ მან. და ოთხ აბაზს მიიღებს. ახლა ვნახოთ, საიდან ღებულობს ცხოვრების სახსარს ხელოსანი?

ერთ წყვილ ფეხსაცმელს მოუნდება ორი მან. და 10 კაპ. მასალა—ტყავი, რეზინა, ქუსლები და სხვ., წვრილმანები—ძაფი, სადგისი და ლურსმნები—10 კაპეიკის, ბინის—ათი კაპეიკი \*), ქარგ-

---

\*) ბინა, რასაკვირველია, გაცილებით მეტი ეღირება,



ლის შრომა ოთხი აბაზის და ნახევრის. ქარგალს რომ იმდენი მისცენ, რამდენიც ერგება, მაშინ ერთი ფეხსაცმელი ეღირება: მასალა ორი მანეთი და 55 კაპეიკი, ბინა—ორი შაური, ქარგლის შრომა—ოთხ აბაზ ნახევარი,—სულ სამი მანეთი და ცამეტი შაური. ხელოსანი კი წყვილს ხუთ მანეთათ ყიდის, ე. ი. მანეთი და შვიდი შაურით უფრო ძვირათ.

საიდან აიღო ხელოსანმა ეს მანეთი და შვიდი შაური? რასაკვირველია ის არ შეუქმნია არც ლურსმნებს და ტყავს, არც ქუსლებს და ბინას; მისი შემქმნელნი მუშებია.

ასე, ჩვენმა ქარგალმა ოთხ აბაზ ნახევარზე მანათი და შვიდი შაური შესძინა ხელოსანს, ეს არის მუქთი შრომა, ზედმეტი ღირებულება. მაშ მუქთი შრომა აქაც ერთნახევარჯერ მეტია აუცილებელ შრომაზე, ზედმეტი ღირებულების ნორმა ერთ ნახევარია, ანუ 150%. მუშა თხუთმეტი საათის შრომიდან მხოლოდ ექვს საათს ანდომებს თავის თავის, დანარჩენ ცხრა საათს ხელოსნისთვის მუშაობს და ამ უკანასკნელს ამდიდრებს.

ახლა ხომ ხედავთ, საიდან დგება ხელოსნის მოსაგები. მისი საკუთარი შრომისაგან? ცხადია, არა. სწორედ ისე, როგორც ფაბრიკანტი, ხელოსანიც სხვისი შრომით, თავისი ქარგლების გაყვლივით მდიდრდება.

## V

ვაჭრები, ჩინოვნიკები, მემამულენი და სხვები, —ესენი ვილასი შრომით ცხოვრობენ?

მაგრამ, სამკვიფროდ, ის დიდხანს სძლებს, იქ რამდენიმე ასი წყვილი შეიკრება და ამიტომ ერთ წყვილზე მოვა ცოტა, მაგ. 10 კ.

მოძრითინეთ და ამასაც გეტყვით. თუ გვინდა გავიგოთ, თუ როგორ ჩნდება მათი მოსაგები, ვისი შრომით სუქდებიან ისინი, — ავიღოთ მაგალითი.

ვთქვათ, ვინმე ფაბრიკანტმა 150 ათასი მანეთი დააბანდა რომელიმე საქმეზე. რა საქმე იქნება ეს, ჩვენთვის სულ ერთია, წარმოვიდგინოთ, რომ ეს საქრის ქარხანაა. ჩვენი ფაბრიკანტი ყიდულობს მანქანებს, ჭარხალს, სხვა საჭირო მასალებს, ქირაობს მუშებს და წლის გასულს ას ოთხმოცდა თხუთმეტი ათასი მანეთის საქარსა ყიდის. ასე რომ ფაბრიკანტი თავის 150 ათას მანეთზე 45 ათას მანეთს მოსაგებს ღებულობს. ჩვენ უკვე ვიცით, რომ ეს 45 ათასი მანეთი მუშების მუქთი შრომით არის შექმნილი, ეს მუშების მიერ შექმნილი ზედ მეტი ღირებულებაა. ფაბრიკანტი დიდი სიამოვნებით ჩაიხხრიალებდა მთელ ამ მოსაგებს: მართალია, ეს ფული მან მუქთად შეიძინა, მაგრამ მისი დათმობა ხუმრობა კი არაა. ფაბრიკანტის სამწუხაროთ, ზედმეტ ღირებულებაზე ბევრი ილესავს კბილებს. ყველას სურს, როგორმე თავისკენ გააქანოს ის და ჯიბეში ჩაიხხრიალოს. ყველაზე უფრო ვაჭარს უჭირავს მისკენ თვალი. ფაბრიკანტი უვაჭროთ ვერ იხეირებს, თუ ვაჭარი არა, მას მაღაზიაში გამოუღებება საქონელი, გამდიდრების მაგიერ სიმშილით ამოძვრება სული. მან ჯერ უნდა გაყიდოს საქონელი, ფულები აიღოს, და მხოლოდ შემდეგ შეუძლია თქვას — საქმე გავაკეთეო. მაშ ვაჭარია საჭირო, ფაბრიკანტმა ვაჭარი უნდა ეძიოს.

მოღის ვაჭარი. ის მზადაა ფაბრიკანტს უშველოს, მაგრამ ერთი აუცილებელი პარობით: მოსაგებიდან რამდენიმე პროცენტს თხოულობს.

ფაბრიკანტს, სხვა რა გზა აქვს—ვაჭრის წინა-  
დადებას ღებულობს; ყოველ მანათზე ათ კაპეიკს აძ-  
ლევს. 45 ათას მანეთიდან მხოლოდ 40 ათას ხუთასი  
მანეთი რჩება. ფაბრიკანტის მოსაგებს მოაკლდა,  
იმისი ერთი ნაწილი ვაჭრის ჯიბეში გადავიდა. რო-  
გორ შეიძინა ვაჭარმა ეს მოსაგები? საკუთარი შრო-  
მით? რასაკვირველია, არა. იმის მოსაგები ფაბრი-  
კანტის მოსაგების ნაწილია და როგორც ასეთი  
ზედმეტი ღირებულებებიდანაა შემდგარი. ცხადია რომ  
ვაჭარიც მუქთი შრომით, ფაბრიკანტის მუშების  
ოფლით მდიდრდება. ვაჭარს უკან მემამულე მოს-  
დევს, ჩვენი ფაბრიკანტის ფაბრიკა მემამულის მი-  
წაზე ყოფილა აგებული. რასაკვირველია, ხან ისიც  
მოხდება, რომ ფაბრიკანტს საკუთარ მიწაზე უდგია  
ფაბრიკა, უფრო ხშირად კი სხვისაზე. მიწის პატ-  
რონი ამისთვის ქირას ითხოვს, ან როგორც იტყ-  
ვიან, რენტას. რა გაეწყობა, ჩვენი ფაბრიკან-  
ტი იძულებულია ფული გადაიხადოს, თუ უიმი-  
სოდ არ შეიძლება. და თავის მოსაგებიდან 3 ათას  
მანეთს მიწის პატრონს აძლევს (რენტა). საიდან  
აიღო მემამულემ ეს მოსაგები, რენტა? რასაკვირვე-  
ლია, ისევ ფაბრიკანტის მოსაგებისაგან, ე. ი. ფა-  
ბრიკანტის მუშების მიერ შექმნილი ზედ—მეტი ღი-  
რებულებისაგან \*).

ჩვენ ფაბრიკანტს მხოლოდ ოცდა ჩვიდმეტი  
ათას ხუთასი მანეთი მოსაგები დარჩა. მაგრამ მას  
ჯერ კიდევ არ შეუძლია ყველა ეს ფულები ჯიბეში

\*) ჩვენ აქ ისეთ მემამულეზე ვლაპარაკობთ, რომელიც  
თვითონ მეურნეობას არ მისდევს. ის მემამულე, რომელიც  
მეურნეობას მისდევს, პირდაპირ საკუთარი მუშების გაყვლე-  
ფით ირჩენს თავს.

ჩაიღოს. ჩვენ უკვე აღვნიშნეთ, რომ ფაბრიკის აშენებაზე მან 150 ათასი მანეთი დახარჯა. ეს 150 ათასი შეიძლება მისი ყოფილიყო, შეიძლება სხვისი. განა ცოტაა ისეთი მდიდრები, რომელნიც სხვას არას აკეთებენ გარდა იმისა, რომ ფულს აძლევენ სესხათ, რისთვისაც განსაზღვრულ სარგებელს ღებულობენ და თავის კაპიტალს ამრავლებენ. წარმოვიდგინოთ, რომ ერთი ასეთი ფულიანი კაცისაგან აუღია ვალი ჩვენ ფაბრიკანტს, სახელდობრ 150 ათასი მანეთი 6<sup>0</sup>/<sub>0</sub>-ად, ესე იგი; ყოველ ას მანეთში ექვსი მანეთი სარგებელი უნდა მისცეს. გამოდის, რომ ჩვენი ფაბრიკანტი 9 ათას მანეთს თავის მევალეს უთმობს, მას რჩება მხოლოდ 28 ათასი ხუთასი მანეთი. კაპიტალისტი კი 9 ათას მანათს იღებს სხვისი ჯიბიდან და გაურჯელად თავის ჯაბეში ილაგებს. ვისი ჯიბიდან იღებს ის ამ ფულს? ერთი შეხედვით გეგონებათ, რომ ფაბრიკანტის ჯიბიდან, მაგრამ ნამდვილად კი ესეც მუშების ნაოფლარია, მათი ზედმეტი ღირებულებიდანაა შემდგარი.

მაშ ფაბრიკანტს 28 ათას ხუთასი მანეთი რჩება, მაგრამ არც ეს ფულებია საკუთრად მისი. თავის ულუფას მთავრობაც თხოულობს.

ყველაზე მეტ გადასახადს მუშები, ღარიბი ხალხი იხდის, მაგრამ არც კაპიტალისტები და ფაბრიკანტები არიან თავისუფალნი. ჩვენი ფაბრიკანტიც თავის მოსაგების ერთ ნაწილს ხაზინას უთმობს. ის იხდის გადასახადის სახით, ვთქვათ, ხუთას მანეთს. თავის თავად იგულისხმება, რომ ამ გადასახადსაც მუშები იხდიან, რადგანაც ფაბრიკანტს საკუთარი არა გააჩნია რა, რაც აქვს, ყველაფერი მუშების შრომით

არის შექმნილი, ამიტომ, როცა ის გადასახადს იხდის, ეს მუშების შექმნილი ზედმეტი ღირებულების ნაწილია.

რაც დარჩება, აქედან უვიდას ორმოცდაათი მანეთი დირექტორს უნდა მისცეს ჯამაგირათ, ათას ხუთასი მანეთი დამზღვევ საზოგადოებას მიაქვს და ორი ათას ორას ორმოცდაათი სხვა ხარჯებს უნდება. რჩება 20 ათას ხუთასი მანეთი წმინდა მოსაგები, რომელიც ფაბრიკანტის სრულ განკარგულებაშია, ამ ფულს ის, რთგორც სურს, ისე მოიხმარს. ამის შემდეგ საზოგადოება მაინც იტყვის, რომ ეს ოცი ათას ხუთასი მანეთი ფაბრიკანტის «საკუთრებაა», ვითომ მან თავისი შრომით შეიძინა ეს ფულები.

## VI

ახლა კი თამამათ შეიძლება ვუპასუხოთ იმ კითხვაზე, რომელიც წიგნის დასაწყისშია დაყენებული: რითი ცხოვრობენ ადამიანები? ვინ ცხოვროვას თავისი შრომით და ვინ მდიდრდება სხვების გაყვლიფით. ახლა ჩვენ შეგვიძლია მთელი ხალხი სამ ჯგუფად გავყოთ. პირველ ჯგუფს შეადგენენ ისინი, რომელნიც თავისთვის შრომობენ—თავისი საკუთარი მარჯვენით ირჩენენ თავს. ესენი არიან ხელოსნები, რომელთაც საკუთარი ძარაღები აქვთ და გლეხები, რომელთაც საყოფი მიწა აქვთ. მეორე ჯგუფს შეადგენენ მუშები, რომელნიც მოკლებულნი არიან საკუთარ საწარმოვო იარაღებს, და გლეხები, რომელთაც ან სულ არ მოეპოვებათ მიწა ან ისე ცოტა აქვთ, რომ ეს მათ არ ყოფნის და ამიტომ იძულებულნი არიან თავისი თავი, თავისი სამუშაო ძალა

გაყიდონ. ამათ რიცხვში ურევიათ ქარგლები, ფაბრიკის მუშები, მოჯამაგირეები და სხვ.

მესამე ჯგუფს ეკუთვნიან ისინი, ვისაც წარმოების საკუთარი იარაღები აქვთ, მაგრამ თვითონ კი არ მუშაობენ, სხვებს ამუშავენ. ესენი არიან ხელოსნები, ფაბრიკანტები, მემამულეები და სხვ.

ჩვენ უკვე გავიცანით ჩვენი წიგნის პირველ ნაწილში დღევანდელი წესწყობილება: ერთი მუქა ხალხი ქვეყანას ბრძანებლობს, თვითონ სხვისი შრომით მდიდრდება და მშრომელს პირში ჩალა გამოვლებულს სტოვებს. მაგრამ რატომ არის ეს ასე? იმიტომ რომ ხალხის დიდი უმრავლესობა თავისუფლებას მოკლებულია, ის იძულებულია თავის სამუშაო ძალა, თავისი თავი გაყიდოს, სხვებს მიექირაოს.

მაგრამ რა აიძულებს მას თავის თავის გაყიდვას? ის, რომ მას შრომის იარაღები არა აქვს. ვისაც შრომის იარაღები არა აქვს, იმან რა უნდა ქნას: არ გაყიდოს თავის თავს და სიმშვილით სული ამოძვრება. მაშ რა უნდა ვიღონოთ, რომ ეს უსამართლობა მოვსპოთ, რომ ერთი ფუფუნებაში არ ატარებდეს დროს და მეორე სიმშვილით არ იხრჩობოდეს, რომ ქვეყნად თანასწორობა და სამართლიანობა დავამყაროთ? ამისთვის საჭიროა, რომ შრომის იარაღები ხალხს გადაეცეს. ხალხი მაშინ თავისთვის იშრომებს, ქირაზე მუშაობა მოისპობა, კაპიტალისტი ზედმეტ ღირებულებას ვეღარ ჩაიჯიბავს. ყველა იმუშავებს თავისთვის, არავინ არ იმუშავებს სხვისთვის. ადამიანის დაქირავება, იმისი ყიდვა შეუძლებელი გახდება.

მაშ საქმე ისე უნდა მოვაწყოთ, რომ ყველას

საკუთარი იარაღები ქონდეს. კარგი და პატიოსანიო, მეტყვიით თქვენ, მაგრამ საქმეც ის არის, როგორ უნდა მოვაწყოთო.

როგორ მოვაწყოთ? აი როგორ: ჩამოვართვათ მათ, ვისაც ძალიან ბევრი აქვს და მშრომელ ხალხს გადავსცეთ.

ჩამოვართვათ! როგორ, განა ეს შესაძლებელია, მერე აქედან რაზე გამოვა? ყოველ შემთხვევაში ეს ხომ უზნეობა იქნებაო, მეტყვიან.

მაშ ახლა ამ კითხვების განხილვას შევუდგეთ.

## I.

ჯერ გავიგოთ, შესაძლებელია ეს, თუ არა? რა უნდა ვიღონოთ, რომ ყოველ ადამიანს, ყველა მშრომელს წარმოების იარაღი გადაეცეს?

არც ისე ადვილი გადასაწყვეტია ეს კითხვა, თუმცა პირველი შეხედვით ბევრს ეს უბრალო რამ გონია. მართლაც, ოდესმე ხომ არსებობდა ისეთი წყობილება, როცა ყოველ მუშას საკუთარი სახელოსნო ქონდა და თავისი ბატონ-პატრონი თვითონ იყო. ძველ დროში ეს ასე იყო. მაგრამ მაშინ ხალხიც ეხლანდელზე უფრო ცოტა ესახლა ქვეყანაზე. იმ ქალაქში, რომელშიც დღეს ოთხ მილიონზე მეტი მცხოვრებია, ორასი წლის წინეთ რაღაც ხუთასი ათასი მცხოვრები ითვლებოდა — ასეთია, მაგალითად, ლონდონი ინგლისში. იმ ქვეყანაში, სადაც ორასი-სამასი წლის წინ ორი მილიონი მცხოვრები ითვლებოდა, დღეს ათი მილიონი მცხოვრობს, სადაც წინეთ ათასი წყვილი წალების მეტი არ იყო საჭირო, დღეს მილიონიც აღარ კმარა, სადაც წი-

ნეთ ერთი მილიონი არშინი ტილო იყო საკმაო, იქ დღეს ათი და ოცი მილიონი არშინი იხარჯება. მაშ ძველად, „ბედნიერ დროში“, — თუმცა არც ისე ბედნიერი იყო ის, რომ მისი მობრუნება ვინატროთ — ფეიქარი, რომელიც საკუთარ სახლში ქსოვდა ტილოს თავისი ცოლშვილის დახმარებით, აგრეთვე ზეინკალი, რომელიც თავის გასაღებებზე სახლში მუშაობდა, ბევრ ტილოს და გასაღებების დამზადებას ვერ შეიძლებდენ. მუშაობდენ ცოტას, რადგან მოთხოვნილებაც მცირე იყო; ფეიქარი უხეირო „სტანოკზე“ ქსოვდა, ზეინკალიც თავის გასაღებებს პირველყოფილი იარაღებით აკეთებდა.

ახლა ფეიქარმა უსათუოდ მანქანების შემწეობით უნდა იმუშაოს. მან რომ თავის ძველებურ იარაღს მიმართოს, ეს იმას ემგვანება — ვინმემ რომ ცხენი დაიქირაოს და ისე იმოგზაუროს იმ ადგილებში, სადაც უკვე რკინის გზაა გაყვანილი. მას სამი-ოთხი დღის სიარული დასჭირდება იქ, სადაც მხოლოდ საათია საკმაო.

ბევრი, ძლიერ ბევრი ნაწარმოებია ჩვენს დროში საჭირო. საჭიროა დიდრონი ფაბრიკები, ორთლის მანქანები, უზარმაზარი მალაზიები, რომ საკაო ნაწარმოები იქნას დამზადებული. ჩვენს დროში მარტო ინგლისში თითქმის ხუთასი ათასი კაცი მუშაობს ბამბეულობის ფაბრიკებში. თვითეულ მუშას რომ საკუთარი სახელოსნო ქონდეს, ე. ი. ყველა იმათგანი რომ დამოუკიდებლად მუშაობდეს, მაშინ ისინი იმის მეოცედსაც ვერ გააკეთებდენ, რასაც დღეს აკეთებენ. ყველგან გაძვირდებოდა ბამბეულობა და გლეხის ქალებიც კი ვერ აიტანდენ ასეთ ცხოვრებას. მაშ არც ისე სასურველი ყოფილა, რო



ყველას საკუთარი სახელოსნო, საკუთარი საწარმო-  
ვო იარაღები ქონდეს. მართალია, მაშინ მოისპო-  
ბოდა დაქირავებული შრომა, ადამიანის დაჩაგვრა,  
მაგრამ სამაგიეროდ საჭირო ნივთები გაძვირდებოდა  
და ვინ იცის, იქნებ სიმშლიც კი გვწვევოდა. დი-  
ახ სიმშლი! ამაში თქვენ თვითონ დარწმუნდებით.  
დღეს ინგლისში სანთლით რომ ეძებოთ, მაინც ვეღარ  
შეხვდებით ისეთ მუშას, რომელსაც საკუთარი საწარ-  
მოვო იარაღები ქონდეს, მეტადრე მიწის მესაკუთ-  
რე გლახებს. თქვენ შეხვდებით იქ მხოლოდ მსხვილ  
მემამულეთ, რომელნიც ფლობენ თვალ-უწვდენელ  
მინდორ-ტყეებს, რომელთაც ორთქლის გუთნები,  
სამკალ-სალეწი და სათესი მანქანები უდგიათ, რომ-  
ელნიც თავის ადგილების დასამუშავებლად გლახ-  
ებს, სოფლის მუშებს ქირაობენ.

სოფლის მუშებს იქ არა გააჩნიათ რა: არც მი-  
წები და იარაღები, ასე გასინჯეთ, ქონებიც კი არა  
აქვთ. ისინი იძულებულნი არიან, თავისი თავი ბა-  
ტონებს მიყიდონ, მათთვის იმუშაონ, ზედმეტი ღი-  
რებულებით გაამდიდრონ.

ერთობ მძიმე, თითქმის აუტანელია მათი მდგო-  
მარეობა. შიშის ჟრუანტელი გივლის ტანში, როცა  
ინგლისელ მემამულეთა გაუმაძღრობისა და შეუბრა-  
ლებლობის ამბავს კითხულობ. მაგრამ როგორ გგო-  
ნიათ, მთელი მიწა რომ დაანაწილოთ და თითო ნა-  
ჭერი ყველა გლახს არგუნოთ, სასარგებლო იქნება  
ეს ინგლისის ხალხისათვის, თუ არა? პირიქით, მავ-  
ნებელიც იქნება. 1875 წელს ინგლისის მცხოვრებ-  
ლებს 22 მილიონი კვარტერი (კვარტერი თითქმის  
31 გირვანქა) ხორბალი სჭირდებოდა. ინგლისის  
მილამოებზე 13 მილიონი კვარტერის მეტი არ მო-

დის, ასე რომ დანარჩენი ცხრა მილიონი საზღვარ-გარეთიდან უნდა შემოიტანონ. მიწა რომ წვრილ ნაქრებათ დაიყოს, მაშინ შეუძლებელი იქნება მანქანების—ორთქლის გუთნების და სხვ. ხმარება, ასე რომ 13 მილიონის მაგიერ, ვინ იცის, 5—6 მილიონიც კი ველარ მოიყვანონ. ეს კი თითქმის სიმშილს გამოიწვევდა მთელ ინგლისში.

ახლა დარწმუნებული ხართ მგონი, რომ ჩვენ დროში შეუძლებელია ყველა მშრომელს საკუთარი საწარმოვო იარაღი მიეცეს.

მაშ რა უნდა ვქნათ? საკუთარი იარაღების უქონლობა ცუდია, რადგან იძულებული ხდები თავისი თავი გაყიდო, თვითონ სიმშილით მოკვდე და სხვები გაამდიდრო, შეიძენ და კიდევ უარესია, რადგან მაშინ საერთო უბედურება გამეფდება. მაშ როგორ ვუშველოთ საქმეს?

აი როგორ: ჯერ ერთი ვიკითხოთ, რატომ შემდეგშია ც არ შეიძლება ისე მოვაწყოთ საქმე, როგორც ეს დღეს არის? სადაც მუშები ერთად მუშაობენ დიდ ფაბრიკებში თუ მსხვილ მამულებზე—დეე ისინი ისევ იქ დარჩენ. მაგრამ ნურავინ იტყვის ეს ფაბრიკა მე მეკუთვნის, ეს მიწა ჩემიაო. ყველა ესენი მუშებს გადაეცეს, მისაკუთრებას ნურავინ გაბედავს. ეს იქნება ფაბრიკა-ზავოდების გასაზოგადოებრივება, სახელმწიფო კუთვნილებაში გადასვლა \*). დეე, ყველამ ერთად იმუშაოს, მაგრამ ფაბრიკანტების და მემამულეების სასარგებლოთ კი არა, მთელი ხალხისათვის. მაშინ მუშები იმდენ ნაწარმოებს მოამზადებენ, რამდენსაც ეხლა, თუ მეტს არა. ყველას

\*) მაშინ სახელმწიფოც ეხლანდელს არ ემგვანება.

ეცოდინება, რომ თავისი ამხანაგებისათვის მუშაობს, და არა მუქთახორებისათვის, ხლანდელზე მეტი შრომაც რომ დასჭირდეს, ის მაინც არ დაემდურება ბედს, რადგან ეცოდინება, რომ მისი შრომა ერთი მუჭა ხალხის სასარგებლოდ კი არ მიდის, არამედ მთელი ხალხის კეთილდღეობას ხმარდება.

მაშ მუშებს მხოლოდ კერძო საკუთრების მოსპობა, მთელი ადგილ-მამულის და ფაბრიკა-ზავოდების საზოგადო კუთვნილებად გადაქცევა უშველის.

## II.

ახლა ვიკითხოთ, შეიძლება თუ არა ამის განხორციელება? მოსახერხებელია თუ არა საწარმოო იარაღების საზოგადო კუთვნილებად გადაქცევა? შესაძლებელია თუ არა, ყველა თავისი ბატონ-პატრონი თვითონ შეიქნეს? ყველგან და თითქმის ყოველთვის არსებობდა სიმდიდრე-სიღარიბე, ყველგან არსებობდა დამონებული უმრავლესობა და გაბატონებული უმცირესობა. ყოველთვის არსებობდნენ ისეთი ადამიანები, რომლებიც ასეთ წყობილებას ებრძოდნენ, მაგრამ აქიდან არა გამოდიოდა რა: მდიდრები არხეინად განაგრძობდნენ მდიდრულ ცხოვრებას, ღარიბებს სისაწყლევში სული ამოსდიოდათ.

და განა ჩვენ დროში ღარიბების რიცხვი თანდათან არ მატულობს, გაჭირვება მუშათა შორის უფრო და უფრო არ იზრდება?

ყველაფერი ეს ასეა, მაგრამ ამან იმედი არ უნდა დაგვიკარგოს; პირიქით ეს გარემოება გვიმტკიცებს ჩვენ, რომ სასურველი მომავალი მოახლოებულია. აი რაშია საქმე.

ღარიბების რიცხვი, რომელთაც არავითარი საკუთრება არ აბადია, თანდათან მატულობს და შემდეგშიაც იმატებს. არსებულ წესწყობილებაში არავითარ ძალას ამის შეჩერება არ შეუძლია. ხელოსანი, რომელსაც თავისი საქონელი გამოაქვს გასაყიდათ ბაზარზე, დაინტერესებულია, რაც შეიძლება, მეტი აიღოს; აქ საკვირველი არაფერია: იმან თავისი ძალ-ღონე შეაღია მისს მომზმდებს. მაგრამ რა გამოვიდა მისი მუყაითობისაგან? ფაბრიკანტმა, რომელმაც იგივე საქონელი ფაბრიკაში დაამზადა, გაცილებით ნაკლები შრომა მოახმარა მის გაკეთებას. მაგალითად, თუ ზეინკალი ერთ საათს ანდომებს ერთი ბოქლომის გაკეთებას, ჩვენ თამამად შეგვიძლია ვთქვათ, რომ ფაბრიკაში მის გაკეთებას ერთი საათიც არ დასჭირდება. ზეინკალი ექვს შაურს მოითხოვს თავის ბოქლომში (თუ საათის შრომა ორი შაური ღირს), ფაბრიკანტი მას ორ შაურად გაყიდის. ცხადია, ბოქლომს ყველა ფაბრიკანტისაგან იყიდის და ჩვენი ზეინკალი იძულებული გახდება, სახელოსნო გაყიდოს და ფაბრიკანტის კალთებს შეაფაროს თავი, ე. ი. დაქირავებულ მუშად იქცეს, გაბროლეტარდეს.

რაც ზეინკალზე ვთქვით, იგივე უნდა ვთქვათ სხვა ხელოსნებზედაც: მანქანების მეტოქეობას ისინი ვერ გაუძლებენ და, ადრე იქნება თუ გვიან, დაქირავებულ მუშათა ბანაკში ამოყოფენ თავს. ასე თანდათან კარგავს ხალხის დიდი უმრავლესობა თავისუფლებას და დამოუკიდებლობას და უამქირავებელთა ბრჭყალებში ვარდება. ასეთ უბედურებას როგორმე კიდევ აიტანდა მუშა, რომ ერთგვარი სამუშაო ქირით მაინც იყოს უზრუნველყოფილი. მაგ-

რამ ეს ასე არ არის: სამუშაო ქირა მუდამ რყევა-შია, საჭირო ნაწარმოების ფასთან შედარებით, ის თანდათან კლებულობს.

ავხსნათ ეს უფრო ნათლად. გავიხსენოთ, საიდან ჩნდება კაპიტალისტის მოსაგები: ის ისაკუთრებს მუშის მიერ შექმნილ ზედმეტ ღირებულებას, მუშა იძულებულია ნახევარი დღე თავისთვის იშრომოს და ნახევარი ხაზენის სასარგებლოდ. როცა ფაბრიკანტი, მაგალ., მუშას დღიურად ოთხ აბაზ ნახევარს აძლევს, ეს იმას ნიშნავს, მუშას 90 კაპ. სჭირია საცხოვრებლად (საზრდო, ტანისამოსი, ბინა). მუშა ექვსი საათის განმავლობაში უკვე შექმნის 90 კაპ. საღირაღს, ე. ი. იმდენს, რამდენსაც მას ფაბრიკანტი აძლევს, დანარჩენ ექვს საათს ის მუქთად მუშაობს, ამ დროს განმავლობაში ფაბრიკანტი მას ქირას არ აძლევს. თუ ერთის მაგიერ ოცი მუშა იქნება და წელიწადში 333 სამუშაო დღეს ვიანგარიშებთ, მაშინ ხაზენი ექვსი ათას მანეთს მოსაგებს შეიძენს. თავისთავად იგულისხმება, რომ, რაც მეტი იქნება მუქთი ან ზედმეტი დრო, მით მეტი იქნება ხაზენის მოსაგები. ასე რომ, თუ ზედმეტი დრო ექვსი საათის მაგიერ, რვა საათი იქნება, მაშინ ხაზენიც ექვსი ათასის მაგიერ, შვიდი ათას ორას მანეთს მოიგებს.

ჩვენ დროში ეს პირდაპირ აგრე ხდება,—მუშები იძულებულნი არიან თავისი შრომის უმეტესი ნაწილი ხაზენებს დაუთმონ.

როგორ ხდება ეს? სულ უბრალოდ. რატომ ჩვენ მაგალითში მუშა ოთხაბაზ ნახევარს იღებს დღიურ ქირას? იმიტომ, რომ მისი სამუშაო ძალის აღსადგენად, მის საცხოვრებლადამდენი საჭირო.

ექვს საათს მუშა ამ ქირისთვის მუშაობს, ექვს საათს ხაზინისთვის.

გარემოება რომ შეიცვალოს და მუშას ექვსი საათის შრომის ნაცვლად ოთხი საათის შრომა ეყოს, მაშინ იმისი ქირა 90 კაპ. ნაცვლად სამოცი კაპეიკი გახდება. ამ შემთხვევაში მუშა ოთხ საათს თავისთვის იმუშავებდა და რვა საათს ხაზინისთვის, რვა საათში შექმნილ ზედმეტ ღირებულებას ხაზინი ჩაიჯიბავდა.

სინამდვილეშიაც სწორედ ეს ხდება. რაც უფრო აუმაჯობესებენ მანქანებს, მით უფრო ადვილდება ნაწარმოების დამზადება, მოკლდება ის დრო, რომელიც მუშის საცხოვრებლად საჭიროა. წინეთ ერთი პერანგის მომზადებას ორი-სამი დღის შრომა უნდოდა, ახლა ერთი დღის შრომაც აღარ მოუწდება. წინეთ ერთი სერთუკის შესაკერად ათი დღის შრომა იყო საჭირო, ახლა სამი დღისაც საკმაოა.

მაშ ჩვენ დროში მუშას იმდენი მუშაობა აღარ სჭირდება, რამდენაც წინეთ სჭირდებოდა თავის დასარჩენად. წინეთ ის ექვს საათს მუშაობდა, ახლა ოთხი საათი ყოფნის. მაგრამ ამ ცვლილებას მისთვის სარგებლობა არ მოუტანია. წინეთ, თორმეტი საათის სამუშაო დღეში, ის ექვს საათს თავისთვის მუშაობდა და ექვს ხაზინისთვის; ახლა მას თავისთვის ოთხი საათი ყოფნის, ხაზინისთვის, მაშ, რვა საათი უნდა იმუშაოს. მუშა, როგორც წინეთ, ახლაც თორმეტ საათს მუშაობს დღეში. მანქანების გაუმაჯობესებამ, მას ვერ უშველა. წინეთ მუშა ექვს საათს თავისთვის მუშაობდა, ექვს ხაზინისთვის, ე. ი. რამდენსაც თავისთვის, იმდენს სხვისთვის; ზედმეტი ღირებულების ნორმა იყო ერთი (ერთი ერ-

თზე), ანუ 100<sup>0</sup>/0; ახლა რვა საათს ხაზენისათვის მუშაობს, ოთხს—თავისთვის, ზედმეტი ღირებულების ნორმა უდრის ორს, ანუ 200<sup>0</sup>/0. შრომის ყველა დარგში მანქანები შემოაქვთ, რაც შრომას ანაყოფიერებს. ამიტომ აუცილებელი დრო თანდათან კლებულობს, ზედმეტი დრო კი მატულობს, ე. ი. მატულობს ზედმეტი ღირებულების ნორმა, იზრდება ექსპლუატაცია.

ახლა ხომ ხედავთ, რატომ მდიდრდებიან ხაზენები და ლარიბდებიან მუშები?

ეს ვერაფერი სასიამოვნო ამბავიაო, —მეტყვიით თქვენ. თუ ეს ასეა, რილასი იმედი უნდა ვიქონიოთ, რომ ჩვენი მდგომარეობა გაუმჯობესდება?

„ზოგი ქირიკ მარგებელიაო“, —ამბობს ხალხური ანდაზა. ზედმეტი ღირებულების ნორმის ზრდაც კარგია ერთი მხრით. კარგია იმიტომ, რომ, რაც ხანი გადის, მით ნაკლები შრომაა საჭირო დღეს, როცა გაუმჯობესებული მანქანებით მარტო ხაზენი სარგებლობს, შრომის გაადვილებას მუშისთვის სარგებლობა არ მოაქვს, მაგრამ შემდეგში ეს მისთვის ძლიერ კარგი იქნება.

ამას გარდა კიდევ უნდა გითხრათ ერთი რამ, რაზედაც აქამდე კიდევ არ მილაპარაკნია. როგორ ფიქრობთ, ყველა ფაბრიკანტი მდიდრდება? არა, ეს შეუძლებელია. ყველა იმათგანი სხვის გაკოტრებას ცდილობს. ყველანი ცდილობენ, რაც შეიძლება, მეტი საქონელი გაყიდონ, თანაც იაფად დაიჯდინონ, რადგან მუშტარი იმის საქონელს გაასაღებს, ვინც უფრო იაფად დაუთმობს. მათდა საუბედუროთ ბაზარი მათ საქონელს ვეღარ იტევს, საქონლის რაოდენობა სჭარბობს მის მოთხოვნილებას, ეს კი

ბევრს აჩანაგებს. მხოლოდ ძალიან მდიდრებს შეუძლიათ ლოდინი, სანამ ნაწარმოები გაიყიდებოდეს, წვრილები ამას ვერ ახერხებენ, კოტრდებიან და თავის მუშებსაც ღვთის ანაბარათ სტოვებენ. ასეთი მოვლენა თითქმის ყოველ რვა-ათ წელიწადში მეორდება, ყოველ რვა-ათ წელიწადში კოტრდება მრავალი წვრილი ფაბრიკანტი, ეს ამრავლებს საკუთრებას მოკლებულთა რიცხვს, ხოლო მდიდრების სიმდიდრეს კიდევ უფრო აფართოვებს.

რა დასკვნა გამოდის აქედან? აი რა: ფაბრიკანტების და საზოგადოდ მდიდარი ხალხის რიცხვი კლებულობს, ღარიბების, მუშების რიცხვი—მატულობს, სიმდიდრე იზრდება, მაგრამ უმცირესობის ხელში იყრის თავს, შრომა ადვილდება, მაგრამ მუშების ბედი უკუღმა მიდის, მათი სიღარიბე კიდევ უფრო მწვავედება.

მუშები ხედავენ, რომ ფაბრიკანტების რიცხვს აკლდება, ხოლო მათ სიმდიდრეს ემატება, მათი ძალა ეცემა, ხოლო მათი სიმდიდრე მატულობს. ამავე დროს მუშების ძალა იზრდება, ისინი თანდათან ერთ ჭერ ქვეშ იყრიან თავს, ერთად შრომის სარგებლობას ხედავენ. მათი თვითცნობიერება მატულობს. ისინი აშკარად ხედავენ დღევანდელ წესწყობილებების სიდუხჭირეს, ხედავენ, რომ ფაბრიკანტი, თუმცა არაფერს აკეთებს, მაგრამ მთელ სიმდიდრეს თვითონ ეპატრონება. ამასთანავე მუშები ეჩვენებიან თანხმობით მოქმედებას, ერთმანეთის მხარის დაჭერას, ვინაიდან კარგათ გრძნობენ, რომ მათ ერთი მტერი ყავთ, ეს მტერია ის, ვინც მათი ოფლით სუქდება, და ამის დასამარცხებლად ყველა მუშის შეერთებაა საჭირო.



საკვირველი არ არის, რომ მუშას ასეთი აზრი დაებადოს: რად ვმუშაობთ ამდენი ხალხი ერთის სასარგებლოდ, ჩვენ ბევრნი ვართ, ის კი ერთია, ჩვენ ვშრომობთ, ნაწარმოებს კი ის იტაცებს. ფაბრიკები რომ ჩვენ ხელში იყოს, მაშინ სხვანაირად წავიდოდა ჩვენი საქმე: მაშინ ჩვენთვის მოსაგები საქირო არ იქნებოდა, იმდენს ვიშრომებდით, რომ გვეცხოვრნა. ჩვენ მაშინ მთელ ხალხს მოვუტანდით სარგებლობას ის კი მხოლოდ თავისთავზე ზრუნავს და მთელ ხალხს განსაცდელში აგდებს. რატომ არ უნდა შევერთდეთ ყველა მუშები, რომ ხაზინებს ფაბრიკები და მანქანები ჩამოვართვათ.

მერე სამართლიანი იქნება ასეთი მოქმედება?

შაბათი კაცისათვის და არა კაცი შაბათისათვისო, ნათქვამია. ადამიანის დანიშნულება ის ხომ არ არის, რომ რაც შეიძლება, მეტი ნაწარმოები დაამზადოს, საქმე ის არის, რომ ხალხმა ადამიანურად მოაწყოს თავისი ცხოვრება. მუშები ქმნიან ყველაფერს და მათი ნაშრომი მათვე უნდა მოხმარდეს, ეს კი ისე არ შეიძლება, თუ საწარმოო იარაღები მუშა ხალხის ხელში არ გადავიდა.

### III

კიდევ დავგვჩა ერთი ძნელი კითხვა. როგორ ჩამოვართვათ მუქთახორებს საწარმოო იარაღები, რა გზით მივალწევთ ამ მიზანს?

ეს კი თქვენი, მუშების საქმეა, ამაზე თქვენ თვითონ უნდა დაფიქრდეთ. ძველ დროში, როცა ქვეყანას მტერი მოადგებოდა და მისი განდევნა საქირო იყო, მაშინ თქვენ, მუშებს მოგმართავენ და

თქვენც ეტყოდით ხოლმე: „ჩვენ მზადა ვართ სამ-  
შობლო განვანთავისუფლოთ, მტერი განვდევნოთ,  
მაგრამ როგორ მოვიქცეთ?“

ახლა საქმე თვითონ თქვენ, თქვენს ოჯახს, თქვენს  
ძმებს ეხება, და თქვენც მოვალენი ხართ საკუთარ  
საქმეს თვითონ უპატრონოთ.

### დ ა მ ა ტ ე ბ ა .

ამა თუ იმ ნაწარმოების ღირებულება განისა-  
ზღვრება იმ დროის რაოდენობით, რომელიც მის გა-  
კეთებაზეა დახარჯული. ყველა მეცნიერი ამის თა-  
ნახმაა. მაგრამ ვინც მეცნიერებას არ იცნობს, ის,  
შეიძლება, შეცდომაში შევიდეს: მართლაც, შეიძ-  
ლება იფიქროს იმან, თუ ღირებულება დროის რაო-  
დენობაზეა დამოკიდებული, მაშინ უვიცი და გამო-  
უცდელი მეწაღე მეტ ფულს აიღებს თავის წაღებში,  
ვინემ გამოცდილი და საქმის მცოდნე, რადგან ის  
მეტ დროს მოანდომებს წაღების შეკერვას. მაგრამ  
ეს ასე არ არის. მეცნიერებას სახეში არა აქვს იმ  
დროის რაოდენობა, რომელიც მუშის უვიცობასა და  
იარაღის უვარგისობაზეა დამყარებული. ასეთი დრო  
უსარგებლოდ დახარჯულად უნდა ჩაითვალოს, მას  
მნიშვნელობა არა აქვს. მეცნიერებას სახეში აქვს ის  
დრო, ურომლისოდაც წარმოება შეუძლებელია. არც  
ეს დრო არის მუდამ ერთგვარი. ყველამ იცის, რომ  
მანქანით უფრო ჩქარა შეიძლება კერვა, ვინემ ნემ-  
სით. საკერავ მანქანის შემოღებამდე აუცილებელ  
დროდ ითვლებოდა საშუალო შრომა (არც ძლიერ  
ჩქარი და არც ძლიერ ნელი), რომელიც ნემსით კერ-  
ვას სჭირდებოდა. მას შემდეგ რაც საკერავი მანქა-

ნები შემოიღეს, შრომა განაყოფიერდა, ასე რომ, წინანდელთან შედარებით, აუცილებელ დროის რაოდენობა შემოკლდა. თუ, მიუხედავად ამისა, მკერავი მაინც ნემსით მოინდომებს კერვას, ის მანქანით მკერავთან შედარებით გაცილებით მეტ ხანს მოჰუნდება თავის სამუშაოს გაკეთებას, ასე რომ მისი შრომის ერთი ნაწილი უსარგებლოდ ჩაივლის, აუცილებელი არ იქნება. რომელია ეს ნაწილი? აი რომელი: წარმოვიდგინოთ, რომ მანქანით სამჯერ უფრო ჩქარა შეიძლება, მაგალითად, პერანგის შეკერვა, ვინემ ნემსით. ამ შემთხვევაში ნემსით მკერავის შრომის ერთი მესამედია აუცილებელი. ვთქვათ, ერთი პერანგის შეკერვას ექვსი საათის შრომა სჭირდება, მაშინ იმავე პერანგის შეკერვას მანქანით ორი საათი ეყოფა. ამ შემთხვევაში პირველი მკერავის ექვსი საათის შრომა მეორე მკერავის ორი საათის შრომას უდრის. ამიტომაც, რომ მანქანების შემოღება ყოველთვის ალტაკებს იმ ხელოსნებს, რომელთაც მანქანების შექმნა არ შეუძლიათ. მაგრამ ეს კიდევ ცოტაა. ჩემი შრომა არ ჩაითვლება აუცილებელ შრომად, თუ ჩემ მიერ მომზადებული ნაწარმოები საზოგადოებას არ ესაჭიროება, ან, როგორც მეცნიერები ამბობენ, თუ ამ ნაწარმოების მოთხოვნილება არ არსებობს. მაგალითისთვის ავიღოთ ფეიქრის ხელობა. ტილო და სხვა მატერიები, რასაკვირველია, ყველას ესაჭიროება, ველურებს გარდა, რა თქმა უნდა. ამიტომ ტილოს მოთხოვნილება ყოველთვის არსებობს, ფეიქრის შრომა საჭირო შრომაა. მაგრამ თავი და თავი აქაც ის არის, მანქანებზე მუშაობს ფეიქარი, თუ უბრალო იარაღით. ჩვენ დროში ფეიქრის აუცილებელ შრომად ითვლება ის შრომა, რომელიც მანქანით ქსო-

ვის ღროს არის საჭირო. ის მეტი შრომა, რომელიც უბრალო იარაღით მუშაობის ღროს იხარჯება, უსარგებლოა. ამიტომაც, რომ ჩვენი ფეიქრები — „კუსტარები“ ასეთ აუტანელ მდგომარეობაში იმყოფებიან.

მაგრამ, წარმოვიდგინოთ, რომ ათი ათასი არშინი ტილოს ნაცვლად, რომელიც საჭირო იყო, ოცი ათასი არშინი დაამზადეს. ეს იმას ნიშნავს, რომ ტილოს რაოდენობა ორჯერ სჭარბობს მის მოთხოვნილებას და ამიტომ დახარჯული შრომის ნახევარი საჭირო არ არის. თუ ხაზენებმა ყველა ტილოს გაყიდვა ერთ ღროს მოინდომეს, მაშინ ტილოს ფასი უსათუოდ დაეცემა, ხაზენები დაინახავენ, რომ მათ მიერ დახარჯული შრომის ნახევარი საზოგადოებისათვის საჭირო არ არის. თუ ხაზენების ერთმა ნაწილმა დაასწრო მეორე ნაწილს და თავისი საქონელი ბაზარზე გაიტანა, მაშინ, შეიძლება, სრული ფასი აიღონ, მაგრამ გვიან მოსულები სრულიად ვეღარ გაასაღებენ თავის საქონელს, რადგანაც ტილოს მოთხოვნილება აღარ იქნება, ამ ტილოზე დახარჯული შრომა საჭირო, აუცილებელი შრომა აღარ იქნება. თუ ყველა ხაზენები ერთ ღროს გამოვიდენ ბაზარზე, მაშინ ისინი იძულებულნი იქნებიან ფასები დაუკლონ, რომ როგორმე მუშტარი თავისკენ მიიზიდონ. ამის შემდეგ მუშტარების რიცხვი გამრავლდება: წინეთ, როცა ტილო სრულ ფასში იყიდებოდა, ბევრს არ შეეძლო, სიღარიბის გამო, ტილოს შეძენა, ახლა კი, როცა ტილო დაკლებულ ფასებში იყიდება, ბევრს გაუადვილდება მისი შეძენა. ბევრი შემთხვევით ისარგებლებს და ტილოს საჭიროზე მეტს იყიდის, რა ენაღვლება, შემდეგშიაც გამოადგება. თუ ასე მოიქცევიან ხაზენები,

ცოტა რამეს კიდევ აიღებენ, მაგრამ რომ არ იზარალონ, ეს შეუძლებელია.

მაგრამ ვინ მოისურვებს უსარგებლოდ საქმის განგრძობას? როცა ნახვენ, რომ ტილოს ფასი დაეკარგა, მის წარმოებას ან შეაჩერებენ, ან შეამოკლებენ მაინც. ტილოს რაოდენობა იკლებს და ეს ფასების აწევაზე იმოქმედებს. თუ ამ შემთხვევაში ტილოს რაოდენობა მის მოთხოვნილებას არ დაშორდება, დახარჯული შრომა საჭირო, აუცილებელ შრომად ჩაითვლება. მაგრამ თუ ტილოს რაოდენობამ იმდენად იკლო, რომ მოთხოვნილება სჭარბობს, მაშინ ტილოს ფასი აიწევს და ხაზინებიც ახლა მეტს აიღებენ, წასაგების მაგიერ მოსაგებს ნახვენ. მაგრამ მოსაგებს ყველა ეტანება, ხაზინები ტილოს წარმოებას მიაწყდებიან, ბოლოს ნაწარმოები ბაზარზე გამოაქვთ და... აქაც წინანდელი ისტორია მეორდება: ტილო ბევრია, მყიდველი ცოტა, ე. ი. ტილოს რაოდენობა სჭარბობს მის მოთხოვნილებას, ეს იწვევს ტილოს ფასის დაცემას და სხვ.

სწორედ ფასების ასეთი ცვლილება იწვევს იმ გარემოებას, რომ საქონლის ღირებულება დამოკიდებულია მასზე დახარჯულ დროის აუცილებელ რაოდენობაზე, თუ, რასაკვირველია, სახეში მივიღებთ რამდენიმე წელიწადს და რამდენიმე შემთხვევას, და არა ერთ წელიწადს და ერთს შემთხვევას.

საჭიროა ისიც ვიცოდეთ, რომ აუცილებელ შრომის რაოდენობა არ განისაზღვრება ერთის რომელიმე ხელობის მუშების შრომის რაოდენობით. ასე, მაგალ., ბოქლომი მარტო ზეინკლის შრომას როდი შეიცავს, არამედ მადნის მუშების, რკინის გადამდნობის, გიდამტანის და სხვა მუშების შრომას.

ყველა ამათ მოამზადეს ბოქლომისთვის საჭირო მასალა, ზეინკალმა ეს მასალა გადააკეთა და ბოქლომში გამოვიდა. ამიტომ, როცა ბოქლომის ღირებულება გვინდა გავიგოთ, სახეში უნდა ვიქონიოთ ყველა ამ მუშების შეერთებული შრომა.

აგრეთვე, როცა ვადარებთ მანქანით მკერავისა და ნემსით მკერავის შრომას, ყურადღება უნდა მივაქციოთ შემდეგ გარემოებას:

თვით საკერავ მანქანაზე შრომაა დახარჯული, ამიტომ მანქანასაც შესაფერი ღირებულება აქვს. კერავის დროს ეს მანქანა ცვდება, მის ღირებულებას აკლდება, ნახმარი მანქანა ახალზე ნაკლებადა ღირს. ღირებულების ის ნაწილი, რომელსაც მანქანა კარგავს, ნაწარმოების ღირებულებაში გადადის, ასე რომ მანქანით შეკერილ პერანგის ღირებულებაში მანქანის ოსტატის შრომაც ურევია. ამიტომ სრული სიმართლე არ იყო, როცა ვთქვით, რომ ნემსით მომუშავე მკერავის ექვსი საათი მანქანით მომუშავის ორ საათს უდრისო. ნემსით მომუშავის ექვსი საათის შრომასთან ერთად ნაწარმოებს არაფერი ემატება; ხოლო მანქანით მომუშავის ორი საათის ღირებულებას უნდა დაემატოს კიდევ შრომის ის ნაწილი, რომელიც მანქანის გაკეთებაზე დახარჯულა. ასე რომ, ნემსით მომუშავის ექვსი საათის შრომა უდრის არა მარტო ორ საათს, არამედ ორ საათს და თხუთმეტ წუთს, ან ორ საათს და ნახევარს.

თავისთავად იგულისხმება, რომ ასეთი უმნიშვნელო განსხვავება ვერ იხსნის სილატაკისაგან იმ ხელოსანს, რომელიც მანქანის უქონლობამ წელში გასტეხა.

დასასრული.

ვ. გადილიას წიგნის მალაზიაში აყიდება შემდეგი წიგნები:

ა.	წულუკიძე. ნაწევრები ჰოლიტიკური ეკონომიიდან . . . . .	50 კ.
ბ.	კაუცკი. ისტორიულ-ეკონომიური ნარკვევი საფრანგეთის წარსულიდან . . . . .	20 კ.
გ.	მარკსი. ვაჭრობის თავისუფლება . . . . .	10 კ.
დ.	კოვალევსკი. რუსის და საკუთრების წარმოშობა-განვითარება წ. 1. . . . .	20 კ.
ე.	ბელლაში. ასის წლის შემდეგ (სოციალ-გოური რომანი) . . . . .	60 კ.
ვ.	ტისანდე. მეცნიერებისათვის წამებულნი 48 სურათით . . . . .	1 მ.—
	მიჭუევი. თანამედროვე ქვეყნიერების მონაწილე კუთხე ინგლისის ახალშენი . . . . .	60 კ.
	ბოკლი. ცივილიზაციის ისტორია ინგლისში, ბოკლის სურათით . . . . .	50 კ.
ე.	ფერეირი-დარვინიზმი, ორ წიგნად . . . . .	35 კ.
	ქ-ნ შტარი. ჩვენს ქალებს . . . . .	20 კ.
ნ.	რამბოლესბერგი. მუშათა კითხვა წარსულში და აწმუელში . . . . .	15 კ.
ვ.	ლუნკევიჩი. მწვანე სამეფო (სურათებით) . . . . .	20 კ.
ფ.	კონი. უჯრათა სამეფო . . . . .	10 კ.
	სმაილსი. თვითმრქმედება . . . . .	15 კ.
	მისივე. თვით-განვითარება . . . . .	15 კ.

## II

მასსე. ლუკმა-პურის ამბავი, აღწერა კაცისა და ცხოველებისა . . . . .	40 კ.
ბ. წერეთელი. საუკეთესო ცოდნა . . . . .	20 კ.
გ. ჭიუგო. რამ. „ოთხმოც და ცამეტადამ“. გიორგი ვაშინგტონი (ამერიკის განმთავის-სუფლებელი) . . . . .	10 კ. 20 კ.
დ. ხელოსანი. ხმარობენ თუ არა ურიები ქრისტიანების სისხლსა? . . . . .	10 კ.
ვალტერი. უმანკო (მოთხრობა) . . . . .	30 კ.
პრუდონი. უცხოეთის მწერალი . . . . .	20 კ.
მ. გორკი. მოთხრობები, წიგნი პირველი, კარგს ქაღალდზე . . . . .	70 კ.
ფ. მახარაძე. ხალხური პოეზია და ბ-ნი მ. აკელენჯერიძე, კრიტიკული წერილი . . . . .	20 კ.
მისივე. დანიელ ჭანჭაძე და მისი დრო . . . . .	40 კ.
ივ. გომართელი. შილერის პოეზიის ძირითადი თვისებანი . . . . .	20 კ.
დ. ჭანჭაძე. სურამის ციხე . . . . .	15 კ.
ე. ნინოშვილი. სრული თხზულება ივ. გომართლის კრიტ. წერილი . . . . .	1 50 კ.
ს. მესხი. თხზულებანი, პირველი ტომი . . . . .	1 —
ლ. ანდრეევი. წითელი სიცილი . . . . .	40 კ.
დ. ტოდსტრი. ადღგომა . . . . .	1 20 კ.
შ. რუსთაველი. ვეფხისტყაოსანი 4 პატრეტით და 21 სურათით . . . . .	60 კ.
ექიმი გააზია. ბედკრულთა მეგობარი . . . . .	5 კ.
თ. ჭენტი ჭექსილი. ორგანიული ბუნების მოვლენათა მიზეზები სურათებით . . . . .	25 კ.
ჩარლზ ჰარნელი (ბიოგრაფია) . . . . .	25 კ.
დ. კლდიაშვილი. მოთხრობანი . . . . .	30 კ.
ჰ. სურგულაძე. ერეკლე ენა . . . . .	15 კ.



### III

ი. ბელკონსკი. ერება და თვით-მარტველობა.	10 კ.
დ. დეფო. რობინზონ კრუსე . . . . .	30 კ.
დ. კარიჭაშვილი. წიგნის ისტორია . . . . .	20 კ.
ჰენრიკ სენკევიჩი. ბარტეჟ ძღვევამსილი . . . . .	20 კ.
ნ. რუბაკინი. ამბავი ცხველთა სამეფოსი სურათებით . . . . .	50 კ.
ა. ივანოვი. ცადა დედამიწა . . . . .	20 კ.
პოლბერი. ბუნების ცოდნა . . . . .	25 კ.
ბულივერის მოგზაურობა სურათებით . . . . .	30 კ.
ბუნების მრულებანი . . . . .	15 კ.
აზიის მნათობი ინდოელების თქმულება . . . . .	10 კ.
ს. ურბანკსკი. თავადის ქალი შრომა და ფუფუნება . . . . .	60 კ.
ჯიოვანიოლი. სპარტაკი ისტორიული რომანი.	60 კ.

წიგნის მალაზიის აღრესი თფილისი კიროზნი ქუჩა № 7

Адресъ: Тифлисъ кироч. ул. № 7



Handwritten notes in a cursive script, possibly Urdu or Persian, including the number 1566 and a signature.

~~Handwritten scribble or signature~~

8/11-336

ვ. გადილიას წიგნის მალაზიაში იყიდება შემდეგი საკუთარი გამოცემანი:

- 1) სჰმი სიტუვას ანუ თავისუფლებას, თანასწორობას, ძმობას-ერთობას ივ. შაჰვარციანისა . . . . . 5 კაპ.
- 2) როგორ უნდა მოხდეს საღისის წარმომადგენლების არჩევნები? ა. ლომთათიძისა . . . . . 4 კაპ.
- 3) ლუკმა ზურის ამბავი, ანუ ნაწევრება ზოლიტიკური ეკონომიიდან, დიკშტიუინისა თარგ. კ. ნინიძისა . . . . . 6 კაპ.

იბეჭდება და ჩქარა გამოვა:

ა. ბებელის თხზულება „დედაკაცია“.

ა. ანუს „თავისუფლებისათვის შებრძოლნი“.

მალაზიაში მოიპოვება მრავალი სადღეისო წიგნები დაბეჭდილი რუსულ და ქართულ ენებზე, აგრეთვე წიგნის მალაზია კისრულაბს ზროფინციებში მცხოვრებთათვის ფასდადებით წიგნების გავზავნას.

ვდებულობთ საკომისიოდ გინდ ნაღდ ფულზე ზოლიტიკურ ეკონომიურ შინაარსის და სხვ. წიგნებს.

წიგნის მალაზიის აღრესი, თფილისი კიროზნი ქ. № 7.

Тифлисъ Бирочная ул. № 7.